

Neqinik eqqussinermi akitsuutit peerneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut.

(Inatsisartunut Ilaasorta q Jens-Frederik Nielsen, Demokraatit)

Akissuteqaat

(Aningaasaqarnermut Naligiissitaanermullu Naalakkersuisoq)

Siullermeerneqarnera

Naalakkersuisut sinnerlugit Jens-Frederik Nielsen akitsuutitut aaqquissuinita oqaluuserineqarnissaanut peqqusineru qjaffigerusuppara.

Neqinut akitsuummik atorunnaarsitsineq iluanaarutitik annaasaqarnerussaaq, tamannalu allamit aningaasaliinikkut imaluunniit sipaaruteqarnikkut matussuserneqartariaqassalluni. Neqinik eqqussinermut akitsuutit 2023-mut aningaasanut inatsimmi 15,5 mio. kr.-nut missingersorneqarput. Taamaamat aperisoqartariaqassaaq, qanoq tassani iluanaarutitik annaasaqarneq aningaasalersorneqassava imaluunniit aningaasartuutit suut peerneqassappat? Tamatumani qitiusumik oqallinneq, Naalakkersuisut isumaqarput, suliniutinut allanut atatillugu aamma akileraartarnerup aaqquissuunneqarqinnerani ilaatigut pingaarnersiutinut kiisalu 2023-mut aningaasanut inatsisissatut siunnersuummik isumaqatiginninniarnut atatillugu, pissasoq.

Siunnersuuteqartup siunnersuutiminut tungavilersuutimini nunarsuaq tamakkerlugu tunillaassuunneq aamma Ruslandip Ukrainemut sorsunera peqqutigalugit akit qaffanneri taavai. Aalajangiinissamut siunnersuutit saqqummiunneqarneranili Naalakkersuisut Aningaasaqarnermut Akileraartarnermullu Ataatsimiititaliamit Royal Arctic Linep uuliamut aningaasallu nalinginut tapii appartinniarlugit 2022-mi 30 mio. kr.-nik aningaasaliinissamut akuersissummik pippat. Taamaasilluni Royal Arctic Linep Århusimit Ilulissanut assartuilluni containerinut nillartaatsivilinnut/kerititsivilinnut katillugit akiliisarnerit 14.000 kr.-ngajannik appartippai, tamannalu 21 procentimik appaaneruvoq. Tamatuma kingorna Naalakkersuisut akinik millisitsisumik suliniummik allamik pilersitsisoqannginnerani utaqqilaarusupput.

Siunnersuuteqartup ingerlatsinermut aamma tapiissutinut aningaasaliissutini tamani 56 mio. kr.-nik sipaaruteqarnermi siunnersuutit aningaasalersorneqarsinnaasut siunnersuutigaa. Tamanna isumaqassaaq aningaasaliissutit taaneqartut tamarmik 1 procentimik sipaaruteqarfiussasut. Naalakkersuisulli misissuisoqartinnagu aamma kingunerisassanik qulaajaasoqartinnagu taama sipaaruteqarnissaq naapertuutinngitsoq isumaqarput. Assersuutigalugu kontu pingaarnertaqarsinnaavoq, Namminersorlutik Oqartussat isumaqatigiissutitigut pisussaaffigisaannik. Taama aamma sipaaruteqarneq Namminersorlutik Oqartussat qitiusumik allaffeqarfianuinaq sunniinani, aamma peqqinnissamik isumaginnittoqarfimmik aamma ilinniagaqarnermut isumaginnittoqarfimmik sunniisinnaavoq. Suliassaqrifiit allat aamma aningaasanik ilanngaaffigineqassanngippata, suliassaqrifiit allat aamma sipaaruteqarfiunerulissapput.

Erseqqissaatigineqassaarli, Naalakkersuisut aningaasanut inatsisissamik isumaqatiginninniarnemut atatillugu siunnersuutit qanoq aningaasalersornissaa pillugu oqallisiginninnissamut ammapput. Maannali aalajangiinissamut siunnersuutit akuersissutigineqarnissaa itigartinneqarnissaaluunniit pissanngitsoq inassutigineqarpoq.